


Տուբերկուլոզի ռենտգենաբանական քննում ներգաղթողների համար



www.tuberculose.nl
The Hague, The Netherlands



Ինչի՞ համար է սույն հրավերը

Տուբերկուլոզը լուրջ բայց միևնույն ժամանակ բուժվող հիվանդություն է որը բավականին տարածված է աշխարհի բազմաթիվ երկրներում՝ այդ թվում նաև այն երկրում որտեղից որ դուք եք գաղթել: Այդ իսկ պատճառով Նիդերլանդներ ժամանելիս անց է կացվում տուբերկուլոզի հետազոտություն: Առաջին հետազոտությունը պարտադիր է և իրականացվում է՝ Օտարերկրացիների մասին Օրենքի՝ դրույթների համաձայն: Տուբերկուլոզի զարգացումը դանդաղ է ծավալվում, այդ պատճառով հնարավոր է որ ձեզ հրավիրեն մասնակցելու մի քանի հերթական հետազոտություններին, որոնց հաճախականությունը կախված է ձեր երկրում հանդիպող տուբերկուլոզի տարածվածության աստիճանից: GGD հաստատության տուբերկուլոզի դեմ պայքարի բաժանմունքից ձեզ կտեղեկացնեն հերթական հետազոտության ներկայանալու անհրաժեշտության մասին և այն մասին թե ե՞րբ է այն տեղի ունենալու: Հետազոտություններին մասնակցումը կարևոր է՝ ձեր առողջության համար և ձեր շրջապատի առողջության համար:

Ի՞նչ է տուբերկուլոզը:

Տուբերկուլոզը (թոքախտը) բակտերիայի կողմից հարուցվող հիվանդություն է: Առավել հաճախ ախտահարվում են թոքերը: Թոքերի տուբերկուլոզով հիվանդը կարող է վարակել օդային ճանապարհով փոխանցել այլ անձանց: Բողոքների թվում նկատվում է հազը, քաշի անկումը, ջերմությունը կամ գիշերային քրտնարտադրությունը: Երբեմն ախտահարումը ընթանում է առանց ակնհայտ բողոքների: Ուստի հիվանդը կարող է տուբերկուլոզով վարակված լինել՝ առանց ինքն այն իմանալու: Այդ իսկ պատճառով շեշտվում է թոքախտի հետազոտություն մեծ նշանակությունը: Այս հարցի կարևորությունը նույնպես վերաբերում է ձեր շրջապատի անձանց, քանի որ հիվանդության կրողը կարող է այլ անձանց վարակել առանց այն իմանալու:

Եթե ցանկանում եք իմանալ ավելին թոքախտի մասին, ապա կարող եք ներբեռնել “Wat is tuberculose?” վերնագրով բրոշյուրը՝ www.tuberculose.nl կայքից կամ տեղեկություններ ձեռք բերել GGD հաստատության տուբերկուլոզի դեմ պայքարի բաժանմունքից:

Ի՞նչ է հարկավոր իմանալ ռենտգենանկարման (թոքերի նկարման) մասին:

Քանի որ տուբերկուլոզի վարակիչ տարբերակը թոքերում է տարածվում, սովորաբար կատարվում է թոքերի ռենտգենանկարում (թոքերի նկարում): Այս հետազոտությունը վտանգավոր չէ, այն նույնպես անվնաս է փոքր երեխաների կամ հղի կանանց համար:

Ի՞նչ պետք է անել նախքան թոքերի նկարումը:

- Հեռացնել մարմնի վրա կրվող զարդեղենը (վզնոց, բռոշ, փիրսինգ, ևն)
 - Հավաքել երկար մազը (հարկավոր չէ հեռացնել գլխաշորը)
 - Նկարումը սովորաբար կատարվում է մարմնի վերին մասի մերկացմամբ
- ### Ի՞նչ պետք է անել թոքերի նկարման ընթացքում:
- Խնդրվում է խորը ներշնչել, շունչը պահել նկարման իսկ պահին:
 - Եթե նկարում են ձեր երեխայի թոքերը ապա կարող եք երեխային շարունակ տեսնել ապակու ետևից: Երեխային հանգստացրեք, թոքերի նկարումը ցավոտ գործողություն չէ և տևում է շատ կարճ:

Ի՞նչ է տեղի ունենալու դրանից հետո:

- Թոքերի նկարը դիտվում է GGD հաստատության տուբերկուլոզի դեմ պայքարի բաժանմունքի բժշկի կողմից:
- տուբերկուլոզի դեմ պայքարի բաժանմունքի աշխատակիցը Ներգաղթի և Հպատակագրման Ծառայությանը (INDին) ուղարկում է տեղեկանք՝ նշելով որ ձեզ մոտ արդեն իրականացել է տուբերկուլոզի հետազոտություն (միայն առաջին անգամ): Որոշ դեպքերում այդ տեղեկանքը ձեզ է տրվում GGDի կողմից, որից հետո դուք եք այն անձամբ ուղարկում IND:
- Հետազոտության պատասխանները ոչ մի դեպքում չեն փոխանցվում INDին:
- Եթե թոքերի նկարում չեն հայտնաբերվել առանձնահատուկ երևույթներ ապա արդյունքների մասին ձեզ տեղեկություն չի տրվում:
- Ձեզ տեղեկություն տրվում է այն պարագայում երբ նկարում հայտնաբերվել են լրացուցիչ հետազոտություններ արդարացնող հանգամանքներ: Մակայն այն չի նշանակում որ դուք անպայման տուբերկուլոզով եք վարակված: Նկարում հայտնաբերված անկանոնությունները կարող են

այլ ծագում կամ պատճառ ունենալ: Լրացուցիչ հետազոտությունների իրականացումը բխում է ձեր շահերից: Այդ պատճառով շատ կարևոր է ներկայանալ քննմանը եթե GGDն ձեզ կրկին անգամ հրավիրում է:

- Տուբերկուլոզով վարակված լինելու դեպքում շուտափույթ կերպով կանցկացվեն համապատասխան բուժումներ: Տուբերկուլոզով վարակված լինելու և դրա համար բուժումներ ստանալու փաստը չի կարող պատճառ հանդիսանալ ձեզ մնալու իրավունք չընդրհեղու: Բուժումները կարող եք, որպես կանոն, ավարտել Նիդերլանդներում:
- Տուբերկուլոզի կամ այլ անկանոնությունների հայտնաբերման պարագայում ձեր ընտանեկան բժշկին տեղեկացնում է այդ մասին GGDի տուբերկուլոզի բժիշկը:

Ի վերջո՝

- Թոքերի նկարման իրականացումը ընդամենը վայրկենական երևույթ է: Եթե նկարումից հետո առաջանում է հազ, քաշի անկում, ջերմություն կամ քրտնարտադրություն, ապա դիմեք ձեր ընտանեկան բժշկին, նույնիսկ եթե կարճ ժամանակ դրանից առաջ արդեն մեկ անգամ հետազոտվել եք: Կարող եք նաև կապվել GGD հաստատության տուբերկուլոզի դեմ պայքարի բաժանմունքի հետ:
- Եթե գտնում եք որ ձեր նկատմամբ սխալ կամ ոչ լիակատար բուժում է կիրառվել, ապա GGD հաստատությունը ձեր հնարավորություն է ընձեռում այդ մասին բողոք ներկայացնելու: GGD հաստատության կայքում կարող եք ծանոթանալ այդ մասին ավելի մանրամասն տեղեկություններին կամ դիմել տվյալ հաստատության տուբերկուլոզի դեմ պայքարի բաժանմունքին (GGD հաստատության հասցեն և այլ տվյալները նշված են ներքևում):

